

Internovas

Informativo electronic del UBI

Augusto/Octobre 2010 Nro. 165

INTERLINGUA – Communication sin fronteras. Comprensibile inmediatamente per un milliardo de anglo-romanofonos ! Aprender linguas es cultura, saper interlingua es evolution. Sito electronic del UBI: www.interlingua.org.br

**1990/2010 28 de julio
20 annos del UBI !!**

Message ab Norvegia

Car omne membros in le UBI !

Felicitaciones a vostre 20me anniversario. In maio 2011 anque nos in le UNI (Union Norwegian pro interlingua) habera 20 annos.

Nos spera que vos e nos e tote le mundo haberea un progresso enorme in le 20 annos futur.

Con salutes del sierras de Norvegia !,
Osmund Knutson Aukland.

Congratulationes ab Canada

Le 20me anniversario del UBI.

Antonio de Nebrija 1441-1522 le grande grammatico e linguista espaniol del epocha del monarchos catholic presentava su obra sur le lingua castillian al Regina in 1492. Questionante le valor de un tal libro, Isabella de Castillia diceva, proque volerea io un obra como isto; io jam cognosce le lingua. Al qual Nebrija respondeva, dicente: - Majestate, le lingua es le instrumento del imperio.

Ora in un epocha de imperios technologic e nuclear, le imposition

e le influencia del lingua anglese ha devenite un argumento forte pro non studiar altere linguas. Le presentation de un grammatica de interlingua ellicitarea responsa simile a illo del Regina.

Interlingua, malgrado le plethora de projectos de linguas auxiliar sur le mercato, remane le instrumento del imperio del mente; le clave pro aperir le communalitates del hereditage de nostre civilisation occidental al mundo.

Post 1492 le linguas romanic, le espaniol, le portugese, le francese, le italiano e postea le anglese con su heritage dual de franco-latin e de germano, era le instrumentos del expansion occidental trans le mundo.

Hodie su synthese in le forma del lingua international, interlingua, lo refacera in le 21e seculo, per su forma e su grammatica le qual necun altere lingua construite pote facer. Nebrija provideva le poter de un lingua latinesc como un fortia unificatori e imperial; iste unification ha essite apportate al fruition in interlingua, uno del cognoscentia, del cultura, del imagination, e del ver internationalismo, e on ha le grande ration le 28 julio de celebrar lo per le 20me anniversario del Union Brasilian pro Interlingua.

Richard W Sorfleet, Canada.

Felicitaciones nordic con le 20 annos

Le Consilio del Union Danese pro Interlingua (DIU) invia su optime felicitaciones in occasion del 20esime anniversario del Union Brasilian pro Interlingua le 28 de julio.

Es impresionante vider como le organisationes national de interlingua remane vital – nos habera 50 annos

in novembre 2010, interlingua mesme habera 60 annos in 2011.

Desde le establimento del UBI in 1990, al mesme die quando le Union Mundial pro Interlingua (UMI) esseva fundate in 1955, le UBI ha assecurate un bon representation de interlingua in le pais le plus grande in America de Sud. Le UBI es un bon signo que interlingua es utile in tote le mundo, anque ubi le linguas es plus similar a interlingua que ci in le pais nordic.

Le UBI, su fundatores e su activistas – felicemente multes ha remanite active durante omne le annos – ha livrate innovation del mundo de interlingua. Durante le tempore ha apparite bon materiales didactic in brasiliano-portugese, e Internovas esseva le prime magazin a devenir purmente digital. Solmente iste anno nos ha comenciate livrar le magazin nordic de interlingua. Actualitates, anque in forma digital.

Le DIU applaude le UBI pro su anniversario e desira multe bon annos futur e un continente fructuose collaboration a transverso del Atlantico – con nos in Danmark e con le nove Representante in Portugal. Nos desira un forte representation de interlingua in le mundo lusophone, e le UBI garanti isto.

Calide felicitaciones de un Danamrk estive a UBI, su direction e tote su membros e collaboratores ! Con salutes amical, Thomas Breinstrup, secretario del Union Danese pro Interlingua.

Salutationes brasilian al Incontro Nordic

Ecce le email que nos del UBI inviava al collegas danese pro salutar le INCONTRO NORDIC:

“Car collegas;

In nomine de tote brasilianos e anque de tote americanos del sud, io invia a vos omne desiros de un optime Incontro Nordic in Kalmar, Svedia.

Que le discussiones sia fructuose e concrete, e se transforma in actiones !

Nos, ab le Union Brasilian pro Interlingua es sub phase de restructuration de tote nostre activitates que certo retornara in breve tempore.

Io habite in le nord del region amazonic, un immense e belle foreste cuje territorio es victime de multe destruction e necessita de tote attention ecologic mundial.

Salutes de un interlinguista nordic amazonic”.

UBI – União Brasileira pró Interlândia

www.interlingua.org.br

A UBI é uma associação cultural sem fins lucrativos, juridicamente registrada e fundada em 28 de julho de 1990. Tem por finalidades ensinar e divulgar a interlândia no Brasil.

Redator:

Ramiro B. de Castro

ramiro.castro@trf1.jus.br

Fone: (91) 8719—4655.

Informativo oficial da UBI.

Fundado em janeiro de 1990.

Commentos:

UBI ha justo recipite lettera ab le Presidente del UMI, qui faceva memorar le Statutos del organisation international.

Ille citava principalmente le Reporto Annual General que le associationes national debe presentar e inviar le e anque le quotisation.

Nos ancora affronta difficultates pro le invio monetari, tamen post 20 annos isto non pote esser justification conveniente.

Nos sollicita a nostre associatos, ex-associatos e interessatos qui sape manear le carta de credito per pagamento sub le systema "penpal" que invia a nos email con su impressiones.

Le manco de un scriptorio o salla conveniente pro centralisar nostre activitates non facilita nostre actiones.

Le Redactor informa a omne que non va plus transmover se verso le Centrowest brasilian, al capital federal como antea annunciate, pro questiones private.

Isto causa enorme influenza in le activitates del UBI. Le Redactor cambiava de adresse e ora habita al village Apeú, districto de Castanhal.

Nostre UBI besonia un reorganisation e pro esser un ver association national anque besonia multe participantes de diverse urbes brasilian e lamentabilemente multes fugi del labor. Vamos devenir le UBI forte e actuante, lo que significa division de travalio.

Esque vos es prompte a cooperar ??